



UBI – UNION BRASILIAN pro INTERLINGUA
União Brasileira pró Interlíngua
Condomínio Serra Azul, Quadra 22, Casa 11 [Bairro: SMS]
73070-045 (Sobradinho) Brasília – DF, BRASIL.
www.interlingua.org.br; presidente@interlingua.org.br



13tie Incontro Brazilian de interlíngua Florianópolis-SC

* Reportava: Ramiro B. de Castro, Brasilia-DF.

Dece-Tertie Incontro Brazilian de Interlingua Florianópolis-SC, 29 a 30 de julio 2006.

13tie INTERCON Florianópolis – SC Breve Reporto

Iste reporto es date sub le vision del Redactor. Altere versiones son benvenite !!

Distante circa **3.500 km** al sud de Castanhal, le urbe que io habita, Florianopolis era le sede del Dece-Tertie INCONTRO BRASILIAN DE INTERLINGUA – INTERCON, que occurreva inter le 29 e 30 de julio 2006.

Parte del longe viage era facite per auto e le altere parte per avion. Nos arrivava (gruppo del nord) a **Floripa** – assi uno appella le capital catarinese – le 28 de julio vespere. Nos iva immediatamente al Hotel V. Plaza, que es in le *Rua Felipe Schmidt 705*, justo in le centro urban.

Le die sequente le Apertura, facite al eccellente sala del centro conferential in le Hotel, que era de alte nivello.

Uno declarava le apertura official del programma e legeva le salutes brasilian e international pro le Incontro. Impression troppo positive era le message de Union Danese inviate electronicamente per nostre collega Thomas Breinstrup, talmente le message de Sra. Barbara Rubinstein, ex Svedia, Presidente del UMI.

Tamen veniva salutes de Brasil, Hungaria, Canada, Nederland, SUA, Espania, Grande Britannia, Francia, Germania, Italia, Norvegia, Svedia, Danmark, Russia, etc. Nos regratia a tote le personas qui inviava a nos iste salutes. Isto demonstra le grande internationalitate del interlingua in tote le mundo.

Se sequeva un breve historico de interlingua como es jam costume, pro le publico laic presente. Il es a dicer que pauc participantes veniva al incontro. Illo tamen era profitabile ma nos debe evoluer usque nostre reuniones deveni vermente un grande evento de massa.



E pro isto nos debe non solamente parlar interlingua, ma anque inseniar lo – isto es fundamental, e logic !

Como sempre occorre le participantes resta a hoteles proxime al centro conferential e nos es accustomed a facer repastos insimul, lo que se repeteva a Floripa. Nos sempre prendeva nostre lunches e dinares insimul.

Gibrail Waltrick Caon, interlinguista ab Lages, filio de immigrantes ex Francia e Austria, parlava in interlingua tote le tempore intra le reunion o foras de illo, lo que es un exemplo pro tote participantes. Mesmo in le shoppings, durante le repastos ille conversava fluentemente con le Redactor in interlingua, lo que certo appellava le attention public.

R. de Castro explicava que le UBI es sub reconstruction e isto significa plus labor constante pro le diffusion interlingual.

Le passo sequente era le debatto aperte de como pote le UBI ultrapassar iste phase inactive, lo que attraheva diverse suggestiones del participantes.

G. Waltrick, a grande stilo, faceva su declamation poetic que tosto sera publicate. Al fin, applausos pro su belle poesias.

Le altere puncto toccate era le election per acclamation del Directorio pro le periodo 2006 usque 2009. Uno faceva le Acta del Election e tote le presentes lo signava.

Super le Directorio existe un Plan de Labor, que jam es al cammino.

Le directores va discuter ubi sera le proxime INTERCON. Jam existe proposition pro facer lo a Curitiba, Stato Paraná, sed nulle confirmation, tamen nos pensa que le quantitate de participates debe esser major pro justificar un evento de tal magnitudine.